

CUSSEGL GROND

Sessiun d'avust 2023

Dumonda Rutishauser concernent la prevenziun primara en il sector da la giuventetgna

Ils resultats d'in studi davart la sanadad psichica dals giuvenils, ch'è vegnì fatg per incumbensa da la citad da Cuira cun il program CTC, han procurà per consternaziun la primavaira passada.

Dar en egl dattan ils giuvenils da Cuira en spezial en connex cun il consum da drogas, cun cybermobbing, cun mancar aposta en scola e cun la controlla tras (anteriuras) partenarias u (anteriurs) partenaris. Sco facturs da ristga èn vegnids eruids la mancanza d'in liom cun la scola e cun ils conturns d'abitar. A medem temp mancan u èn per part fitg debels ils facturs da protecziun relevants, sco la famiglia e la coesiun sociala.

Er sch'il studi è vegnì fatg a Cuira, mussa el bain in eventual basegn d'agir en differentas vischnancas da noss chantun.

La promoziun da la sanadad e la prevenziun èn principalmain chausa da las vischnancas. Per ademplir questa incumbensa sto vegnir designada en mintga vischnanca grischuna mintgamai ina persuna sin il stgalim da la vischnanca ed ina persuna sin il stgalim da la scola. En il mussavia «Promoziun da la sanadad e prevenziun en las vischnancas» vegnan questas incumbensas explitgadas e designadas sco incumbensa da la direcziun communal respectivamain dal cussegl communal. Tenor il mussavia è pia il cussegl communal cumpetent per coordinar e per reglar las mesiras localas da la promoziun da la sanadad e da la prevenziun. Latiers tutgan er la diagnosa tempriva e las mesiras en cas da svilups, sco ch'els vegnan preschentads en ils resultats dal studi per Cuira. Il chantun respectivamain l'Uffizi da sanadad porscha diversas pussaivladads da sustegn a las persunas responsablas en las vischnancas, numnadamain las persunas incumbensadas per la promoziun da la sanadad e per la prevenziun.

En quest connex ans interessan las suandantas dumondas:

1. Co interpretescha la Regenza ils resultats dal studi?
2. Nua exista il basegn d'agir il pli urgent ord vista da la Regenza suenter la lectura dal studi?
3. Èn las responsabladads e las structuradas existentas – en spezial en las vischnancas – adattadas per cuntanscher la finamira d'ina prevenziun efficazia?
4. Co po vegnir augmentada la sensibilidà da las vischnancas per la necessitad da prender mesiras preventivas en il sector da la giuventetgna?

Cuira, ils 2 da settember 2023

Rutishauser, Krättli, Föhn, Atanes, Bachmann, Bardill, Bavier, Biert, Bischof, Bisculm Jörg, Bleuler-Jenny, Brandenburger, Cahenzli-Philipp, Collenberg, Degiacomi, Dietrich, Gansner, Gartmann-Albin, Gredig, Hoch, Holzinger-Loretz, Kaiser, Kohler, Kreiliger, Luzio, Mazzetta, Müller, Nicolay, Perl, Preisig, Rageth, Roffler, Rusch Nigg, Said Bucher, Walser, Wilhelm